



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVULENKHULU/MASHI 2012

EMAMAKI: 80

SIKHATSI: 2 ema-awa

Leliphepha linemakhasi lali-13.

TICONDZISO KULABAHLOLWAKO

1. Leliphepha lehlukaniswe TIGABA LETINTSATFU:

SIGABA A: Sivisiso	(30)
SIGABA B: Sifinyeto	(10)
SIGABA C: Luhlelo nekusetjentiswa kwelulwimi	(40)
2. Fundza tonkhe ticondziso ngekucopehela.
3. Phendvula yonkhe imibuto ngeSiswati.
4. Cala LESO NALESO sigaba ekhasini LELISHA.
5. Dvwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisisa sipelingi/lupelomagama nendlela lewakha ngayo imisho.

SIGABA A: SIVISISO**UMBUTO 1**

Fundza lethekesthi lengentasi bese uphendvula imibuto letawulandzela.

Nasikhuluma ngekulondvolotwa kwemvelo sisuke sitsintse sihloko lesiphatselene nemagugu etfu. Lamagugu ayincenye yekuphila kwetfu. Ngaphandle kwaletinye taletincenye temvelo, kuphila kwetfu kungatsikameteka. Singabala emanti, umoya, lokudliwako lokutimilelako njengetitselo njalonjalo.

Ngako-ke letintfo akufanele ticekelwe phasi ngobe tisisekelo semphilo yemuntfu. Kungcoliswa kwemanti kungulenywe indlela yekucekela phasi imvelo. Phela Litiko Letemanti kuhulumende wakitsi licitsa imali lenyenti ekwenteni luhlelo lwekutfunyelwa kwemanti kutsi afike kubo bonkhe bantfu bakuleli. Ingani lohulumende utibophelele ekutseni wonkhe umuntfu abe nelilungelo lekutfola emanti.

Emafemu lamanyenti sakunciphisile kusebentisa luhlelo lwekwenta kungcoliseke emanti nemvelo ngekutsi asebentise tihlelo letinsha tethekhnoloji yesimanje. Phela kucala lamafemu bekasebentisa luhlelo lwekubasela emabhayela ngemalahle kungcole umoya kulimale nemvelo.

Lamanye alamafemu imikhicito lengemanti, angayinaki imigomo yekucitfwa kwaloko labangasakudzingi. Bekakucitsa emifuleni legeleta iye etindzaweni talapho kunemiti ngakhona. Loko kubeke timphilo tebantfu labakhelene naleyofemu engotini. Kepha lohulumende lokhona nyalo sewente umtsetfo lowenta kutsi emafemu akuhloniphe kuvikeleka kwemvelo nebantfu. Kantsi nethekhnoloji nayo seyisezingeni lelisetulu.


Emahlatsi nawo abamba indzima lenkhulu esintfwini. Phela nawo ayimvelo lehlobisa umhlaba, abuye abengumtfunti ebantfwini nasetilwaneni. Tihlahla letihlanyelwako njengeliphayini, ligamusi, kubuye kusetjentiswe ekwakheni emapulangwe lekwakhiwa ngawo ifenisha. Lena fenisha ilusito kitsi ngobe sihlobisa ngayo etindlini tetfu. Kubuye kwakhiwe neliphepha leli lesibhalela kulo naleli lesilifundzako ngato futsi tihlahla. Ngako-ke kubalulekile kutsi emahlatsi avikelwe emililweni kute angenawuphela unomphela, kusweleke tonkhe letintfo lesitibale ngenhla kanye nemisebenti kubantfu bakitsi. Loko kungabanga inhlupheko lenkhulu kubantfu nasetimbonini letisebentisa emahlatsi.

Tilwane nato tibalulekile etimphilweni tetfu. Phela kukhona leti letidliwako njengetinyamatane. Tikhona naleti letifuywako njengetinkhomo, timvu netimbuti. Tikhona naleti letihlala ngaphasi kwemanti njengetingwenya, timvubu netinhlangi. Tonkhe leti tiyadiwa.

Kepha tonkhe tilwane akufanele kutsi tibulawe, tidliwe tidzimate tiphele tonkhe. Sekukhona nemapaki lalondvolota tona tilwane. Lapha esifundzeni sakitsi iMpumalanga kukhona i-Kruger National Park lebukene nekulondvolotwa kwemvelo. Lesiciwu sibutsisele ndzawonye tonkhe tilwane letitfolakala ngaphasi kwemtfunti welilanga, satilondvolota ndzawonye. Labafisa kutewubuka, bavumelekile.

- 1.1.1 Khetsa imphendvulo lefanele nenombolo lengiyo. Kusho kutsini kulondvolotwa kwemvelo?
- A Kusebenta ubeke imali.
B Kushisa emahlatsi netiganga.
C Kungcolisa emanti emifula.
D Kuphatsa kahle lokuyimvelo. (1)
- 1.1.2 Emanti abaluleke ngani etimphilweni tebantfu?
- A Bantfwana badlala ngawo.
B Emanti ayanatfwa.
C Emanti abulala bantfu.
D Emanti agugula inhlabatsi. (1)
- 1.1.3 Kwentekani emvelweni nangabe kungcoliswa umoya?
- A Imvelo iba yinhle.
B Imvelo iyakhula.
C Imvelo iyalimala.
D Bantfu bayajabula. (1)
- 1.1.4 Kubaluleke ngani kulondvolotwa kwemvelo esitukulwaneni lesitako? Bhala KUBILI. (2)
- 1.1.5 Siciwi setinyamatane i-Kruger National Park sikusiphi sifundza? (1)
- 1.1.6 Chaza ngemagama akho kutsi siciwi indzawo lenjani? (2)
- 1.1.7 Ngabe **liciniso** nobe **liphutsa** kutsi ithekhinoloji inciphise kungcoliswa kwemvelo uma sibuka kulesikhatsi lesiphila kuso? Sekela imphendvulo yakho ngeliphuzu LINYE. (2)
- 1.1.8 Bhala ematfuba emsebenti langavetwa yimboni yetemahlatsi abe MABILI. (2)
- 1.1.9 Ngabe **ngumbono** nobe **liciniso** kutsi imphilo yetfu yesekelwe ekulondvolotweni kwemvelo? Sekela imphendvulo yakho ngemaphuzu LAMABILI. (3)
- 1.1.10 Hulumende angawucinisa njani lomtsetfo wekujezisa emafemu lacitsa tinsila emifuleni? Nika emaphuzu abe MABILI. (2)
- 1.1.11 Tinyamatane tilusito ngani esintfwini? Nika emaphuzu LAMATSATFU. (3)

1.2 Fundza lesibonwa lesingentasi bese uphendvula imibuto letawulandzela.



[Sunday Times 2011]

1.2.1 Khetsa YINYE imphendvulo kuleti letinikiwe bese ubhala inombolo yemphendvulo kuphela. Laba labavetwe kulesibonwa benta muphi umsebenti?

- A Emaphoyisa emgwaco
- B Bantfwana besikolo
- C Basebenti baMasipala
- D Basebenti basepulazini

(1)

1.2.2 Khetsa YINYE imphendvulo kuleti letinikiwe bese ubhala inombolo yemphendvulo kuphela. Indlela lebahleti ngayo labantfwana kulesibonwa ikhombisani?

- A Ikhombisa kudlala
- B Ikhombisa kwetfuka
- C Ikhombisa kutimisela
- D Ikhombisa buvila

(1)

- 1.2.3 **Kuliciniso** nobe **liphutsa** kutsi lendzawo yalesibonwa isemadolobheni. Sekela imphendvulo yakho ngeliphuzu LINYE. (2)
- 1.2.4 Nasilandzela kuphepha kwetikolo, yini lengahle ivelele labantfwana labakulesibonwa? Bhala emaphuzu LAMABILI. (2)
- 1.2.5 Ngutiphi tinsita lebanganiketwa tona kute bente umsebenti wabo wenteke kahle. Labantfwana? Bhala KUBILI. (2)
- 1.2.6 Nasibuka lesibonwa sinjani simo selitulu? Sekela imphendvulo yakho ngeliphuzu LINYE. (2)

SAMBA SIGABA A: 30

SIGABA B: SIFINYETO**UMBUTO 2**

Fundza lethekesthi lengentasi bese uyayifinyeta ngemagama langabi ngetulu kwalangema-60.

- Sifinyeto sakho asibe ngendlela yemaphuzu. Lamaphuzu akho abe ngemisho legcwele **lemumetse emaphuzu lasikhombisa lakhomba tinyatselo letingalandzelwa uma usungula libhizinisi.**
- Khombisa linani lemagama lowasebentisile ekugcineni kwemphendvulo yakho.

KUSUNGULA LIBHIZINISI

Sifungo lohlala Kanyamazane abesebentela umlumbi lotsite alungisa emaphayiphi emanti, afaka nafenisi emakhaya ebantfu. Sifungo wacala lapho kuba nelutsandvo lwekutivulela lakhe libhizinisi lekufaka bodalada emakhaya ebantfu.

Ulisungule njani Sifungo libhizinisi lakhe; wacala ngekubuka emakhasimende kutsi angakanani nekutsi angaphumelela yini kukhokhela umsebenti lasawentile. Ngalesikhatsi asasebenta bekabeka imali ebhange kutsi njalo angabona kutsi seyiningi ayikhokhe atsenge imishini latayidzinga yekufaka fenisi kancane kancane. Watsi uma ayekela umsebenti watfola imali lenyenti yekumbonga emsebentini leyamsita kakhulu ekuvuleni lelibhizinisi.

Sifungo waya ebhange kuyawuboleka imali kwengeta kuleyo abe nayo kute acale kahle angashodelwa ngobe liyawa libhizinisi uma lingenayo imali leyenele. Imali abenayo ebhange yaba sibambiso ngobe kumcoka kutsi ube nemali ebhange.

Libhizinisi liyakhangiswa; Sifungo wacala kukhangisa libhizinisi lakhe ngemaflaya nemaphosta emmangweni wangakubo nasemadolobheni lamakhulu.

Lokwamsita kakhulu Sifungo kutsi emakhasimende akhe lamanyenti kwakungummango ngobe bese bamati ngako-ke kwesaba nekungabata kuvula lelibhizinisi akazange abe nako. Washo nekusho Sifungo kutsi uma ucala libhizinisi ucale ubuke emakhasimende nendzawo netidzingo takhona.

Libhizinisi lelithuba kahle ngulelikhulako, akuzange kube yinkinga kuSifiso ngobe bekanawo emabhuku ekubhala konkhe lokudzingekako. Sifungo bekanamabhalane lobuka kungena nekuphuma kwetimali. Lelibhuku libhala tonkhe tintfo letitsengiwe nelusuku nekutsi titawungenisa malini.

Sifungo wafundzisa tisebenti takhe kuphatfwa kwemakhasimende. Uma libhizinisi lakho ufuna likhule kufanele unake emakhasimende tidzingo tawo kucala. Kuyenteka ngalesinye sikhatsi likhasimende lingakhoni kubhadala ngesikhatsi lesibekiwe, linike sikhatsi lesinye ungalwi nalo. Ngaso sonkhe sikhatsi hlala uhleka nobe sekumatima.

Sifungo wacasha bochwepheshe belwati lwemabhizimisi kwekutsi njalo ngenyanga bete batewuhlola emabhuku akhe kute kutfolakale kutsi liyakhula nobe liyawa.

Imali yelibhizinisi iyabhangwa ngesikhatsi ayisetjentiswa etintfweni letingakacondzani nelibhizinisi nangabe isetjentisiwe ayibuyiselwe.

Kute umnikati welibhizinisi njengaSifungo ahlale anemandla kanye netisebenti takhe, kufanele kube khona kuphumula, kuya eholidayini. Ingcondvo iyadzinga kuphumula.

Umchudzelwano naletinye tinkhampani Sifungo wawuncoba ngekwenta umsebenti wakhe kahle. Tinsimbi, emapali nafenisi bekuphuma embili ngemihlobiso lekhona. Bekanetitayela letahlukahlukene tekubiya kuye ngekutsi likhaya lelikhasimende lime njani. Bekawati kahle umsebenti Sifungo ngobe bese anelwati lolukhulu ngalomsebenti wakhe. Sifungo abetnikela emsebentini wakhe atikhandla ngaso sonkhe sikhatsi.

SAMBA SIGABA B: 10

SIGABA C: LUHLELO NEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

UMNANDZI SHUKELA!

Shukela ulungile, unika emandla futsi ucinisa umtimba. Kulungile kutsi siwusebentise emakhaya etfu kute sibe nebantfwana labacinile labondlekile. Msebentise ngobe ulusito kuwe nasemndenini.

**HALALA SHUKELA
WASEMALALANE!!**




- 3.1 Sitsini sicubulo salesikhangisi? (1)
- 3.2 Bhala kube KUBILI lokungenta kutsi batsenge shukela. (2)
- 3.3 Lenkhulumo lengentasi imkhohlisa njani umtsengi lotsandza kuphila kahle? (2)
- Shukela ulungile, unika emandla futsi ucinisa umtimba.
- 3.4 Nika sizatfu lesenta kutsi emagama alandzelako abhaleke ngekucindzetelwa ngalokumnyama kakhulu futsi nangabofeleba. (2)
- HALALA SHUKELA
WASEMALALANE!!**
- 3.5 Bobani labangalingeka ekutsengeni shukela? (1)
- 3.6 Sitselo sini lesisetjentiswako uma kwentiwa shukela? (1)
- 3.7 Cedzela lomusho lolandzelako: (1)
- Kunongotela njenga ...

[10]

UMBUTO 4: IKHATHUNI

Buka lekhathuni lengentasi bese uphendvula imibuto letawulandzela.



- 4.1 Bhala bomcondvofana balamagama ladvwetjelwe enkhulumeni 3. (2)
- 4.2 Bhala mcondvophika walamagama ladvwetjelwe kulemisho lengentasi.
- 4.2.2 Batali bami batfukutsele. (1)
- 4.2.3 Umfokati uyedzelela. (1)
- 4.3 Bhala umusho locuketse sisho lotfolakala enkhulumeni 1 bese unika inchazelo yaso. (2)
- 4.4 Enkhulumeni 2 nasenkhulumeni 3 kunemisho lekhombisa luvelomagama. Ase uyikhokhe uyibhale phasi. (2)
- 4.5 Khipha umusho lotfolakala enkhulumeni 3 lonesinongo senkhulumo lesikhombisa inhlonipho. (1)
- 4.6 Inkhulumo 2 inemusho lomayelana nekucela lucolo. Wukhokhe uwubhale phasi. (1)

[10]

UMBUTO 5: IPHROZI

Fundza lethekesthi lengentasi bese uphendvula imibuto letawulandzela.

Lapha emhlabeni kwaba yincaba ngobe bantfu abacabangi ngekufana, futsi banjalo nje bayatikhulumela ngemilomo yabo. Kukhona labakubona kukukhutsata loko. Labanye njalo bakubona kukudlala ngesikhatsi nangemandla. Basho nekusho kutsi labo bantfu labavuka batsanyele nemabala, kusuke kukhona emahlazo labawafihlako. Batsi basuke basusa tinyawo tetimfene netimphaka labekadze batisebentisa ebusuku.

Banjalo-ke bantfu abayi nganhlanye njengemanti. Labanyenti bawa bavuka nemikhuba yabo. Lapha esabelweni bantfu netakhamuti takhona bebatilimela tivandze tabo. Labanye bebatilimela emasimi lamakhulu, kuye ngekutsi loyo utfole indzawo lengakanani yekulima. Labanye bebalima ummbila emasimini abo ngenhloso yekondla imindeneni yabo. Emavila ngiwo labekahlalela kukhuluma emanga kuze kuyoshona lilanga.

- 5.1 Khetsa kuletimphendvulo letingentasi. Shano kutsi leligama lelidvwetjelwe kulomusho likhomba yiphi imphambosi yesento.

Basusa timphaka lebetibasebentela ebusuku.

- A Imphambosi yekwentisisa
- B Imphambosi yekwentela
- C Imphambosi yekwentisa (1)

- 5.2 Phindza ubhale lomusho lolandzelako bese ucalisa nga, Itolo ...

Bantfu bayatikhulumela ngemilomo yabo. (2)

- 5.3 Khokha sabito sekukhomba bucalu kulethekesthi bese usisebentisa emshweni lotakhele wona. (2)

- 5.4 Khetsa kuletimphendvulo letilandzelako. Shano kutsi lomusho lolandzelako ukuyiphi indlela yesento.

Bantfu labavuka batsanyele nemabala.

- A Indlela yemandla
- B Indlela yesimo
- C Indlela lephocako (2)

- 5.5 Sebentisa libito 'takhamuti' emshweni lotakhele wona libe ngumentiswa. (2)

- 5.6 Phindza ubhale lomusho lolandzelako ugucule ligama lelidvwetjelwe libe sinciphiso.

Labanye bakubona kukudlala ngesikhatsi. (2)

5.7 Phindza ubhale lomusho lolandzelako ucalise nga 'Cha'

Kukhona emahlazo labawafihlako.

(2)


5.8 Phindza ubhale lomusho ulungise ligama lelidvwetjelwe likhombe bunyenti. Lapha etabelweni umuntfu bayatilimela.

(1)

[14]

UMBUTO 6: SIBONWA

Fundza lesibonwa lesingentasi bese uphendvula imibuto letawulandzela.



6.1 Inkhulumo 2 ineligama lelitsi **sihawu**. Bhala umcondvofana walo.

(1)

6.2 Lenkhulumo lebhale ebhokisini letsi **watsintsa bafati, watsintsa imbokodvo** ngabe isicubulo noma isiga?

(1)

6.3 Sifanisongco kulenkulumo 1 sivetwa nguliphi ligama? Libhale phasi.

(1)

- 6.4 Enkhulumeni 1 kuneligama **lutsandvo**. Bhala mcondvophika walo. (1)
- 6.5 Enkhulumeni 4 khokha umusho loneluvlomagama. (1)
- 6.6 Ngabe ngumbono nobe liciniso kutsi lomake udzinwe kuhlushwa bantfu? (1)
- [6]**

SAMBA SIGABA C: 40
SAMBA SAKO KONKHE: 80